



**Volumen Epistolarum, Qvas Romani Pontifices, Gregorijs III., Stephanvs III., Zacharias I., Pavlvs I., Stephanvs IV., Adrianvs et Pseudopapa Constantinus miserunt& reges Francorvm, Carolvm Martellvm, ...**

**Gretser, Jacob**

**[München], 1613**

Item exemplar Epistolæ eiusdem Papæ, ad Domnum Pippinum regem directa, in qua continentur, quod sex Patricij cum trecentis nauibus, & stolo de Sicilia in partibus Romæ vel Franciæ properant, & de ...

---

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

columnem Excellentiam vestram gratia superna custodiat.



**I**Nterea, sublimissime Regum, nostræ perlatum est *Embolum,\**  
 notioni, quod, Dei nutu, nouum Regem, ex vestris *de quo in*  
 visceribus, ad exaltationem sanctæ suæ Ecclesiæ omni- *argumento*  
 potens Deus contulit: de cuius natiuitate, maximo *Epistola.*  
 gaudio sumus releuati. Vnde obnixè te petimus vt à  
 sacratissimo Baptismatis lauacro eundem maximum  
 vestrum filium suscipere mereamur. Quatenus du-  
 plex Spiritus sancti gratia in medio nostrum, & ge-  
 minæ festiuitatis nobis oriatur lætitiæ.

*Item exemplar Epistola eiusdem Pape, ad  
 Domnum Pippinum regem directa, in qua continentur, quod  
 sex Patricij cum trecentis nauibus, & stolo de Sicilia in parti-  
 bus Romæ vel Franciæ properant, & de iniustitiis sanctæ Dei Ec-  
 clesiæ, quas Desiderius coram Missis suis facere promisit  
 quia nihil exinde, sicut pollicitus fuit,  
 adimpleuit.*

## XXIV.

**D**OMNO excellentissimo filio, & nostro spirita- *Summ. 17.*  
 li compatri Pippino Francorum Regi, & Pa- *apud Bar.*  
 tricio Romanorum Paulus Papa. A Deo in- *& Cent.*  
 stitutæ præcellentiæ vestræ his nostris Apostolicis  
 Syllabis, bone potentissime Rex, fili Excellentissi-  
 me, & spiritalis COMPATER, sicut nostro,  
 Q<sub>2</sub> post



post Deum, liberatori, ea quæ ad agnitionem nostram, de diuersis adueniunt partibus, summopere innotescere studemus. Agnoscat siquidem Eximietas vestra, intimasse nobis quosdam sincerissimos fideles, spiritalis matris vestræ, sanctæ nostræ Ecclesiæ: quod sex Patricij, deferentes secum trecenta nauigia, simulq; & Siciliensem \* stolum, in hanc Romanam urbem absolutiâ \* Regia Vrbe: ad nos properant. Quid ij velint agere, aut pro qua diriguntur causa, rei veritatem ignoramus, hoc tantum nobis nuntiatum est, quod ad nos progredi, & ad vestram summè laudabilem præcellentiam in Franciâ ingredi sunt dispositi, easdemq; nobis destinatas litteras, infra hæc nostra scripta vestræ excellentiæ direximus intuendas.

\* classem.  
\* Constanti  
sinopoli.

Itaq; & hoc conseruandæ eximietati vestræ innotescimus, quod quemadmodum in præsentia Missuum vestrorum constitit, cum Desiderio Langobardorum Rege, vt nostras Romanorum iustitias, ex omnibus Langobardorum ciuitatibus plenius primitus acciperemus, & ita postmodum ad vicem ex omnibus nostris ciuitatibus integras Langobardis faceremus iustitias, freti in huiuscemodi eius pollicitatione, quam in præsentia prædictorum Missuum vestrorum exhibuit, nostros Missos direximus ad easdem recipiendas faciendasq; iustitias: Ipse vero varias adhibens occasionum versutias, nequaquam nobis primitus, vt constitit, plenarias de omnibus suis ciuitatibus facere voluit, quas exquirimus, iustitias, & ita demum suas in integro ex omnibus nostris ciuitatibus recipere, sed singillatim tantummodo de vna ciuitate facere, & de alia recipere maluit, volens per hoc dilationem inferre, ne pars nostra Romanorum propriam consequatur



tur iustitiam, & ecce nostri Missi nihil impetrantes, ad nos, sine effectu reuersi sunt, & plures depraedationes ex tunc, atq; multa & inaudita mala in nostris immit- tit finibus. Vnde ecce suas confestim direxit litteras, per quas, confidens in sua ferocitate, Deum præ oculis non habens, nec beatum principem Apostolorum Pe- trum metuens, comminationes nobis direxit, & ina- nia detractionum verba pertulit, quas & de præsentì infra hanc nostram exarationis seriem vestro præful- gido, & à Deo instituto culmini direximus, vt earum præcellsa eximietas vestra agnoscens textum, confide- ret, quanta sit eius malitia, & elationis cordis superbia, in id, quod contra B. Petrum, & vestram regalem po- tentiam, se erigens malitias nobis comminatur in- ferre.

Sed nos spem nostram, post Deum, sicut inexpu- gnabilem murum, firmissimam, in vestram à Deo cõ- roboratam excellentiam habemus, pro quo flexo po- plite te petimus, & per nos etiam B. Petrus, Apostolo- rum princeps, vestram adgreditur eximiam præcel- lentiam, quatenus inspiratus ab omnipotente Deo, qui vos sanctæ suæ Ecclesiæ defensorem, ac liberato- rem constituit, salutem nostram amplissime procura- re & contra omnium nostrorum inimicorum feroci- tatem & arrogantiam solitus auxiliator & protector, noster existere iubeas, Christianissime & spiritualis Cõ- pater, quatenus lucratissimum præmium à redempto- re nostro Domino Deo, intercedente B. Petro, Apo- stolorum principe, consequi mereamini, & sicut ter- renum & ita cæleste regnum cum sanctis & electis Dei per infinita sæcula consequi mereamini.

De omnibus vero subtili enarratione, præsentì

Q 3

Coni-



Coniberto, vestro fidelissimo Vasso iniuximus cuncta liquidius vestrae regali potentiae suggerere; sed & hoc obnixè postulamus, benignam excellentiam vestram vt missos vestros aptos, quales vobis placuerint, ad nos dirigere debeatis, qui in nostro inueniantur esse auxilio, vnus tamen ex eis vsque Ticinum properare debeat, vt dum cum Desiderio Rege loquutus fuerit, quicquid eis in responsis reddiderit, vestrae excellentiae renunciet, reliqui vero duo cum vestro disposito & ordinatione, apud nos coniungere festinent, vt in nostro, vt dictum est, consistant auxilio. Incolumem excellentiam vestram gratia superna custodiat.

*Item exemplar Epistole eiusdem Papae, ad  
Domnum Pippinum regem per Langbard directa, in qua con-  
tinentur gratiarum actiones, & vberima benedictiones pro  
vita, & incolumitate ipsius, vel Domini Caroli & Carloman-  
ni, nobilissimis liberis eius, volens adiutorium obtinere, cum  
multis adiurationibus contra Langobardos, & in <sup>\*</sup> Embolum  
continetur praeceptum, quod Marino presbytero direxit,  
de titulo Chryfogoni & de libris, quos  
ei transmisit.*

## XXV.

*Summ. 18.  
apud Bar.  
& Cent.*

**D**OMNO excellentissimo filio, & nostro spirita-  
li compatri Pippino Regi Francorum, & Pa-  
tricio Romanorum Paulus Papa. Properans  
ad nos harum litterarum transuector, Langbard scili-  
cet, illustris vir, fidelis eximietatis vestrae Missus, decu-  
lit vobis, nectaream atq; florigeram à Deo protectae  
Excellentiae vestrae Syllabarum relationem, cuius ad-  
nexam paginam enucleatius perscrutantes, quæ textus  
eius